

آئونه شرائطی : هریر ایچون
سنه لکی (۲۷۵) آلتی آیلنی
(۱۵۰) خار ج ایچون سنه لکی
۳۲۵ غروشدور .

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ عددور .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونه
قبول اولنور . درج اینله یین
یازیله اعاده اولنماز .

الکتابخانه

۱۳۳۰

آدره من تبدیلنده ایریجه
۵ غروش کوندربلیدر .

مکتوبلرک امضالری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنبیه ایچون آبونه
اولانلرک آدرس لرینگ
فرانسزجه یازلسی رجا اولنور .

پاره کوندردلیکی زمان نهیه
داثر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

هند تاریخ استبانه ۱۹۰۸ سنه سنك براهميت مخصوصه سی وارد در. اوزمان بت پرست هندلیرك حرکات ملیه سی مهم ترقی خطوه لری آیتش بولوندی حالدہ مسلمانلر سیاستدن یوز چوریور و مسائل سیاسیایله اہتمام ایتہ یورلردی . هند مسلمانلرینک تعقیب ایتدیکی یکانہ سیاست (علیکرہ) کلیہ سنك مؤسسہ (سید احمد خان) طرفدن وضع اولونان دستور سیاسی ایدی کہ بوندہ انکلتیرہ صدقت، بت پرست هندولردن اوزافلاشمق و حرکات ملیہ لریہ اشتراک ایتامک ایدی . اوصیرہ لردہ محمد علی بیله بوسیاستہ طرفدار بولونیوردی . بوسیاستی مدافعہ ایچون (تایمس اوف انڈیا) نامندہ کی غزتہ بہ متعدد مقالہ لری یازمشدی . بومقالہ لری اوقدیریوکسک براسلوب ایله یازمشدی کہ بومبای والیسنک نظردقتی جلب ایتش ومومی الیہ محمد علی ایچون بر ضیافت ترتیب ایلشدی . (محمد علی) نك شهرتی بوبله جه باشلار .

۱۹۱۱ سنه سنده (محمد علی) مأموریتدن استعفا ایدرک (قومرہد) نامندہ انکلیزجه برهفته لی غزتہ نشرینہ ایتدار ایتدی . بو غزتہ نك براییک نسخہ سی انتشار ایدر ایتز (محمد علی) بوتون هندستانده احراز شهرت ایتشدی هرکس قدرت قلمیہ سنك حیرانی اولمشدی . (قومرہد) فوق العادہ رواجہ مظهر اولمش ، بالخاصہ انکلیزلر ، انکلیز مأمورینی بو رسالہ یی دقت و مراق ایله تعقیب باشلامشلردی .

فقط (قومرہد) غزتہ سنك تعقیب ایتدیکی مسالک مسلمانلرک انکلیزلرہ صداقتہ دواملرندن عبارتدی . چونکہ انتباء اسلام هنوز باشلامشدی . فقط ۱۹۱۲ سنه سندن صوکرہ (محمد علی) نك افکارندہ فوق العادہ مهم بر انقلاب وقوع بولمش و بر قاج سنه صوکرہ هندستان مشارالہی اک بویوک رهبرلرندن بری عد ایتدیکی کی هندستان حکومتی اونی اک مدہش دشمنلرندن بری اولارق طایمشدر .

بالقان حربینک وقوعی اوزرینہ مولانا محمد علی ہلال احمرہ اعانہ لری طوبیلامق ایچون چوق چالیشمش و دو قوتور مختار احمد انصارینک ریاستی آلتندہ برہلال احمرہ یئت صحیہ سنك استانبولہ اعزامی درعہدہ ایتمشدر . او صرہ لردہ (محمد علی) نك بویوک برادری . (شوکت علی) دخی خدمت حکومتدن استعفا ایدرک مساعی ملیہ بہ وقف نفس ایلشدی . بالقان حربی متعاقب (شوکت علی) خدام الکعبہ نامیلہ بر جمعیت تأسیس ایتمشدر کہ بوجمیت حریمین شریفینک ہر توزلو تجاوزدن صیانتی استہداف ایدیوردی . فقط حرب عمومی بو جمعیتی انحلالہ اوغراندینی کی محمد علی ایله برادرینک توقیفہ سببیت ویرمشدر .

هندستان حکومتی اسایش عمومی نامنہ بر تہلیک تشکیل ایتدکاری ایچون . بو ذواتی توقیف و بر محکمہ عالیہ بہ حوالہ ایتش ایسہدہ بومحکمہ بو ذواتک سربست قائملرندہ بر محذور کورمالمش و سربست بیراقلمالرینی طلب ایتش فقط هندستان حکومتی بو طلبہ ذرہ قدر اہمیت ویرمامشدر .

اولا وسائط خسیسہ ایله (ابوالکلام) حضرتلری دام اغفالہ دوشورمکہ چالیشمش ، بو واسطہ ایله موفق اولما نیجہ تہدید ووعیدہ باشلامش ، یالکز (ہلال) غزتہ سی مراقبہ ایدہ جک برسانسور تأسیس ایتش ، فقط بوندہ بر فائدہ ویرمدیکندن (ہلال) ی سد ایتمشدر . هندستان حکومتی (ہلال) ی مطبعہ سیلہ بر لکدہ سد ایدنجہ قور تولدینی ظن ایتش ایسہدہ مولانا (ابوالکلام) البلاغ نامیلہ دیگر بر رسالہ ، بر مطبعہ ، بوندن باشقہدہ (دارالارشاد) نامیلہ بر مؤسسہ علمیہ تأسیس ایتمشدر . (دارالارشاد) ک مقصدی کرک انکلیز مکتبلرندہ ، کرک مؤسسات دینیہ اسلامیہدہ اکال تحصیل ایدنلردن نشر اسلامہ چالیشہ جق مرشدلر ، واعظلر یتشدیرمک ایدی . فقط بو مؤسسہدہ هندستان حکومتک انظار استبانہندن قور تولامادی .

هندستان حکومتی متوالی تجربہ لری نتیجہ سنده (ابوالکلام) ک مساعیسی سکتہ داز ایدہ میہ جکفی اکلا نیجہ ۱۹۱۶ سنه سنك نیسانندہ مشارالہی مقرر فعالیتی اولان (قالکنتا) دن نفی ایله (رائشی) یہ کوندرمشدر .

ینہ اوصیرہ لردہ هندستان حکومتی سائر رؤسای اسلامیہ یی دہ دردست ایتمشدر کہ مولانا محمد علی ایله برادری (شوکت علی) دہ بونلر میانندہ ایدی . (زمیندار) محوری (ظفر علی) خان دہاولو توقیف اولونمشدی .

حکومت بوایشی بیتیر نیجہ راحت ایتدیکی ظن ایتش وایستہ دیکفی یاغہ باشلامشدر .

مولانا محمد علی و برادری شوکت علی

یکن هفته کی نسخہ مزیدہ هندستان خلافت حرکتی رؤسانندن اولوب ایکی سہدنبری محبوس اولان مولانا محمد علی ایله برادری مولانا شوکت علینک حبسدن قور تولوق اوزرہ بولوندفقرینی یازمشدی . بو هفته آلدینمز (الجامعہ) رفیقمز بو ایکی محترم برادرک ترجمہ حالی یازمقدہدر . قارئلر مزہ نقل ایدیورز :

• (محمد علی) ایله قرده شی (شوکت علی) هندستان کنجکلکنک اک ممتاز ایکی سیاسیدر . (شوکت علی) ، (محمد علی) دن بش سنہ بویوکدر والحالہ ہذہ الہی یاشندہدر . مومی الیہ (علیکرہ) کلیہ سنندہ اکال تحصیل ایتدکن صوکرہ حکومت مأموریتہ کیرمشدر . مولانا محمد علی ایسہ (علیکرہ) دہ تحصیل صوکرہ انکلتیرہ یہ کیدرک اوقسفوردارالمنونندہ اکال تحصیل ایلشدہ . هندستانہ عودت ایتدیکی زمان محمد علی (بارودا) دہ محکمہ رئیس تعیین اولونازق برمدت بو وظیفہ یی ایفا ایلش ، فقط (محمد علی) اک چوق سیاسی وادبی ایشلرہ متایل اولدینندن مسلکینی تبدیل ایچون مساعدہ فرصت بکلہ مشدر .

مقام خیرفتك قوت مادیه سی

بوتون اسلام عالمی طرفندن تأمین اولونمالیدر

۱۷ تموز تاریخی (بومبای قرونیکل) غزته سی (خلافت اسلامی) سر لوجه سبیل بر مقاله نشر ایتشد. جریده مذکوره بو مقاله سنده دیورکه : «تاریخ اسلامك هیچ بر زمانده خلافت اسلامیة كی قیمتی بو کونکی درجه ده آکلاشیلامش ، بونکه برابر خلافت اسلامیة هیچ بر زمانده بو کوندن دها عظیم بر مخاطریه دوچار اولامشدر. استانبول اشغالنک و یونان استیلاسنک ال قارا کئی دورلنده بیله خلافت بو کونکی تهلکدن دها آز تهلکه ایله عطا ایدی . چونکه او زمان پر یوزنده کی بوتون مسلمانلر وضعیتی ادراک و تهلک کی احاطه ایدیورلردی . شیمدی تورک ظفریله جانلانا مسلمانلر ، بو ظفرلری اسلام وحدتنک ممثلی اولان خلافتک ظفری عدایدیورلر. حقیقت بو مرکزده دکلدر . بوتون مسلمانلرک خلیفه سی طرفندن احراز اولونه جی ظفر ، یالکز تورکیانک دکل . بوتون مسلمانلرک ایفا ایدیه جی وظایفه قازانیلاجقدر. بوندن بویه خلافتک قوت مادیه سی تأمین ایتک بوتون مسلمانلر عاقد بر مسئله در. خلیفه نك وضعیتنی تعیین و تعریف ، اداره سنی تنظیم و قوتی تأمین اهل اسلامک پایه جی رایشدر . بو کون مسلمانلر عاقل قلاجی اولورلرسه مدافعه ملیله مشغول اولان تورکر ، کافه اهل اسلام ایچون برنجی درجه ده حائر اهمیت اولان بو مسئله ایله بلکه مشغول اولامایه جقذر و خلافت بر مؤسسه روحانییه انقلاب ایدرک قیمت دینه سی ضایع ایدن بر مسئله ناله اولاجقدر. بونک ایچون درکه خلافتک هیچ بروقت بو کونکی قدر تهلک کی بر زمان کچیرمه دیکنی سوبله یورز .

هندستان ، خلافتی مدافعه خصوصنده اوک آیتی اولمشدر . بو کونده جهان ، بو مؤسسه نك احیا و اساسات حقیقیة اسلامیة اوزرنده ایتناسی ایچون هندستانه باقمده در. عصرلردن بری خلافتک معناسی ، منافع اسلامیة نك تعرضات واقعه قارشى مدافعه سی اولارق تللی اولومشدر . فقط بو مؤسسه نك یکانه هدف مدافعه اولمادی کی یالکز اخوت اسلامیة یی ده تمثیل ده دکلدر. خلافتک هدف اصلینی کلام اللهک بو آیت کریمه سندن آکلاشیله بیلیر :

« بز سزی وسط بر ملت یایدق که بوتون انسانلر قارشى شاهد موقعنده اولاسکز و رسول ده سزه قارشى شاهد اولسون . »

انسانلرک اخوت عمومیه سنه ، حق و باطل قوانین ازیله سنه ، جناب حقک جهانشمول حاکیمته شاهد اولق ، اسلامک تعریف ایتدیکی اوزره ، مسلمانلرک بو دنیاده باشلیجه وظیفه سیدر . ینه قرآن کریم مآلاً بیوریورکه :

« وقتا که جناب حق ملکره ، « پر یوزنده بر خلیفه پایه جم » دیدی. ملکر دیدیلرکه « پر یوزنده فساد جیقاره جی ، قان دوکه جک اولانلریمی خلیفه پایه جقسک ؟ بز سکا تحمید و تسبیحه بولونیورز . »

حق تعالی بیوردی که « سزک بیلده دکلر کزی بیایم »

رسالتنامه افندمر اتباعنه ، انسانک خلافتی تعلیم و حاکیت الهیه شاهد اولان بر امتی تشکیل ایتدی . پیغمبر سزک خلیفه سی ، دیگر خلافت عظمایک ، انسانک الله قارشى مسئولیت تامه سنک جانی بر شاهدیدر . خلافت مؤسسه سی بحق آکلاشیلیر و وظایفی بحق ایفا ایدیلیرسه ، یالکز اهل اسلام ایچون دکل ، بوتون بشریت ایچون ، بالخاصه حق ایچون مجاهده ایدن و باطلدن متضرر اولانلر ایچون محض رحمت اولور. خلافت اسلامیة بو وظیفه سنی ایفا ایدمه دی. مسلمانلر اونک بو وظیفه یی ایفا ایتمه سی اسبابنه باقمه جقذر. مسلمانلر بو وظیفه یی امال ایدرلرسه رسالتنامه افندمر ، علملرنده ایفای شهادت ایدمه جکدر . مسلمانلرک پایه جی ایش ساده و آشکاردر. مسلمانلر ، خلیفه مسلمینک ریاستی

بناء علیه مولانا محمد علی ایله شوکت علی و (هلال) غزته سی صاحب مولانا ابوالکلام بوتون حرب عمومی مدتیجه محبوس قالمشدر . انجی ۱۹۱۹ سنه سنک ۲۵ کانون اولنده تخلیه اولومشدر .

(محمد علی) ایله (شوکت علی) و (ابوالکلام) حبسخانه دن چیقنجه بوتون هندستانلیر طرفندن فوق العاده بر هیجان ایله استقبال ایدلمشدر و هر اوغرادقلى مرکزده یوز بیکلرجه هندلی طرفندن بحیل اولومشدر .

معافیه بو ذوات حبسخانه دن جقار جیقماز بر کون استراحت ایتمه رک خلافت حرکتی تشکیله باشلامشدر و موفق اولمشدر . خلافت جمعیتک تشکلی اوزرینه هندستان مسلمانلرینک مقام خلافت و ورکیا حقندکی حیاتی و مطالبی انکلتريه تبلیغ ایتک اوزره بر هیئت اضامی تقرر ایتش و بو هیئته مولانا (محمد علی) ریاست ایلشدر . (محمد علی) ، (لوندزه) ده (لوید جورج) طرفندن قبول اولونارق بوتون مطالب اسلامیة یی ایضاح ایتدکدن سوکره پارس محافل سیاسی سنده عینی ایضاحاتی ویرمش ، متعاقباً (روما) یه کیدرک روما حکومتیه و (پاپا) ایله کوروشدک مسلمانلرک مطالبی و آرزولری ایضاح ایتشد .

(محمد علی) نك اوروباده وقوع بولان بو سیاحتی ایتاسنده بو بونک برادرینک مساعیسیله هندستانده خلافت حرکتی زیاده سبیله کسب قوت ایتش ، بالاخره (مهاتما غاندی) و سائر هندو رؤسایک انضمام معاونتیه بوتون هندستانک بر مسئله مشترک یی حالی آلمشدر . (شوکت علی) او زمان خلافت جمعیتک کاتب عمومیه سی بولونیوردی. مشار ایله هان هندستانک هر طرفی طولایشه رقی خلافت جمعیتک مقاصدنی ایضاح ایتش و هر یزدن تبرعات طویلالمشدر .

خلافت جمعیتی انکلتريه نك سوزدیکله میهرک مطالب اسلامیة یی نظر اعتباره آلمایه جتی آکلاشیجه هندستان ملی قونفره سنک موافقتیه حکومتیه (عدم معاونت) قرار ویرمش و بونک تطبیقنه باشلامشدر .

هندستان حکومتی (عدم معاونت) یعنی حکومتیه هر تورلومناسبتی قطع حرکتیه مقاومت ایدمه دیکنی کورونجه ۱۴ اغستوس ۱۹۲۱ ده شوکت علی و محمد علی نی توقیف و بو صورتیه موفق اوله نی امید ایلشدر . فقط حکومتک بو امید بوشه کیتمش و رؤسایک حبسی اوزرینه (عدم معاونت) تطبیقاتی کسب قوت ایتشد .

محمد علی ایله برادری ایکی سنه حبسه محکوم اولمشدر . بو ایکی برادرله برابر دو قنور سیف الدین ، شیخ حسین احمد ، شیخ علام مجدد و سائر ذوات محکوم ایدلمشدر .

اخیرا بو ذوات مدت محکومیتلری بترمش اولدقلرندن تخلیه لری بلکه نیکددر .